

文

子

文子卷九

句餘孫 鑛文融評

武林梁 杰廷玉閱

下德篇

時有澆漓故德有上下不世之君以顯有德
非謂至德故曰下德

老子曰治身太上養神其次養形神清意平百節皆寧養生之本也肥肌膚克腹腸供嗜欲養生之末也

默希子曰神者生之本形者生之末致本則形全
而合道重末則形逝而歸上上古務本不顧末在
乎適中下世遺神而
養形誠於太過也

治國太上養化

正儀子曰以道化也

其次正法

正儀子曰謂刑罰也

民交讓爭處卑財利爭受少事力爭就勞日化上而

遷善不知其所以然治之本也利賞而勸善畏刑而

不敢爲非法令正於上百姓服於下治之末也上世

養本而下世事末

正儀子曰先論治身次可治國夫有本則有末猶形全而身祥故知

道德備而是非之端絕法令興而交爭

之路開聖人抑末崇本豈不有以者也

南谷子曰下德執德也太上養神治身之本也其次養形治身之末也太上養化治國之本也其次

正法治國之末也降此而

下則又下德之下者焉

老子曰欲治之主不世出。可與治之臣不萬一。以不
世出求不萬一。此至治所以千歲不一也。默希子曰言明君賢

佐何代無之論賢與不賢用與不用非若文王之
師呂望武丁之求傳說若盡以此求萬載不遇一
君千載不遇一
臣誰與治天下

蓋霸王之功不世立也

正儀子曰言不世世
而立但明哲者君之

順其善意防其邪心與民同出一道則民可善風俗
可美所貴聖人者非貴其隨罪而作刑也貴其知亂
之所生也若開其銳端而縱之倣僻淫佚而棄之以
法隨之以刑雖殘賊天下不能禁其姦矣

南谷子曰明良會合千載一逢夫明君不世出良臣不萬一以不世出之君得不萬一之臣唐虞而下若成湯之二伊尹文王之子呂望世不多見如秦桓之管仲亦不世立是以治日少而亂日多抑由君子少而小人多歟

老子曰身處江海之上心在魏闕之下卽重生重生

正儀子曰
重累其生

卽輕利矣猶不能自勝卽從之神無所害也不能自勝而強不從是謂重傷重傷之人無壽類矣默希子曰夫心

不二用事不並與猶居閑曠之地志騁榮華之場則宜委身從志可免於累如抑身違志兩心交戰是謂重傷重傷祝壽信不虛語

故曰知和曰常知常曰明益生曰祥心使氣曰強是

謂玄同用其光復歸其明

默希子曰沐精神以至於和和則與天地為常一心

氣以令其明明

則與日月同光

老子曰天下莫易於為善莫難於為不善所謂為善者靜而無為適情辭餘無所誘惑循性保真無變於已故曰為善易也所謂為不善難者篡竊解詐躁而

多欲非人之性也故曰為不善難也

默希子曰凡人易於為善而難

於為惡

今之以為大患者由無常厭度量生也故利害之地

禍福之際不可不察聖人無欲也無避也事或欲之適足以失之事或避之適足以就之志有所欲卽忘其所爲是以聖人審動靜之變而適受與之度理好憎之情和志怒之節夫動靜得卽患不侵也受與適卽罪不累也理好憎卽憂不近也和喜怒卽怨不犯也體道之人不苟得不禍其有不棄非其有不制情滿而不溢常虛而易瞻故自當以道術度量卽令充虛衣圍寒足以溫飽七尺之形無道術度量而以自要尊貴卽萬乘之勢不足以爲快天下之富不

以爲樂故聖人心平志易精神內守物不能惑

老子曰勝人者有力自勝者強能強者必用人力者

也能用人力者必得人心者也未有得已而失人者

也未有失已而得人者也

默希子曰謂以柔勝人以弱得強者也強在衆力不

在已故我皆衆力而不失人之力得在衆心不在已故人皆我心乃得人心

故爲治之本務在安人安人之本在於足用足用之

本在於不奪時不奪時之本在於省事省事之本在

於節用節用之本在於去驕去驕之本在於虛無

默希

子曰若不高臺榭不廣苑囿則民務農不奪其時夫驕侈之性榮華之情非體於虛無道德則不能

不足謂亦
不達前

不達前

去也

故知生之情者不務生之所無以爲知命之情者不

憂命之所無柰何

正儀子曰知生知命無憂無懼

目悅五色口惟滋味耳淫五聲七竅交爭以害一性
目引邪欲竭其天和身且不能治柰治天下何

南谷子曰將勝乎人先勝乎已未有已不勝而能
勝人者也勝人者有力欲勝理也自勝者強理勝
欲也理勝則得人之心人將自用其力欲勝則用
人之力人將先離其心天理人欲之興宜有間然

所謂得天下者非謂其履勢位稱尊號言其運天下
心得天下力也有南面之名無一人之舉此失天下

也。故桀紂不爲王，湯武不爲放，故天下得道守在國也。夷天下失道，守在諸侯；諸侯得道，守在四境；諸侯失道，守在左右。故曰：無恃其不吾奪也，恃吾不可奪也。行可奪之道，而非篡弑之行，無益於持天下矣。正儀子曰：聖人治天下在於治身，安人非徒尊位重勢，故有道者人戴之，無德者人棄之。故天下非私於已，雖善是與也。

老子曰：善治國者，不變其故，不易其常。夫怒者逆德也，兵者凶器也，爭者人之所亂也，陰謀逆德，好用凶器，治人之亂，逆之至也，非禍人不能成禍，不如挫其

鏡解其紛和其光同其塵人之性情皆願賢已而疾
不及人願賢已則爭心生疾不及人則怨爭生怨爭
生則心亂而氣逆故古之聖王退爭怨爭怨不生則
心治而氣順故曰不尚賢使民不爭

正儀子曰保道守常聖人之治

昏氣逆德昏主之州不開尚賢之路寧無取然之思

老子曰治物者不以物以和治和者不以和以人治
人者不以人以君治君者不以君以欲治欲者不以
欲以性治性者不以性以德治德者不以德以道
希

子曰非和無以治物非君無以治人非性無以通德非德無以明道

以道本人之性。無邪穢。久湛於物。卽忘其本。卽合於

若性。衣食禮俗者。非人之性也。所受於外也。

默希子曰。道所

以安神物。所以養性。性者內也。物者外也。以內性求外物。至而應其性。以爲性之常然。故有道者能遺物反己。反己者。見本性之裏欲。卽萬類都息也。

故人性欲平。嗜欲害之。唯有道者能遺物反己。有以自鑒。則不失物之情。無以自鑒。則動而惑。管夫縱欲失性。動未嘗正。以治生則失身。以治國則亂人。故不

聞道者。無以反性。

正儀子曰。自治物至於修身。道未常正者。病起於欲。夫欲者。因之根

禍之門。非明道德無以復其真也。

古者聖人得諸已故令行禁止凡舉事者必先平意
清神神清意平物乃可正聽失於非譽目淫於采色
而欲得事正卽難矣是以貴虛故水激則波起炁亂
則智昏昏智不可以爲正波水不可以爲平故聖王
執一以理物之情性夫一者至貴無適於天下聖王
託於無適故爲天下命

熈翁子曰得諸已者在於平
意意之平者心不私外物日

不私采之一其精神和其喜怒哀得情塵不
起欲以不翫人皆反性而天下莫不承令也

老子曰陰陽陶冶萬物皆乘一炁而生上下離心炁
爲上蒸君臣不和五穀不登春肅秋榮冬雷夏霜皆

賊炁之所生也。天地之間。一人之身也。六合之內。二

人之形也。

正儀子曰。一人天子也。一人正則天下廢其安。一人亂則萬姓罹其害。故係於天地。

通於六合。

可不慎歟。

故明於性者。天地不能脅也。審於符者。怪物不能惑

也。聖人由近以知遠。以萬里爲一同。

默希子曰。得於內。明於外。得於

一通。

於萬。

炁蒸乎天地。禮義薰耻。不設。萬民莫不相侵暴虐。由

在乎混冥之中也。庶耻陵遲。及至世之衰。用多而財

寡。事力勞而養不足。民貧苦而忿爭生。是以貴仁。

默希

子曰仁
以安之

人鄙不齊比周朋黨各推其與懷機械巧詐之心是

以貴義。默希子曰
義以斷之

男女羣居雜而無別是以貴禮。默希子曰
禮以正之

性命之情淫而相迫於不得已則不和是以貴樂。默希

子曰樂
以節之

故仁義禮樂者所以救敗也非通治之道也誠能使

神明定於天下而心反其初則民性善民性善則天

地陰陽從而包之則財足而人贍貪鄙忿爭之心不

設論後每
熟一句經
監絕人

牙庵地
自序本
卷九

得生焉。仁義不用而道德定於天下而民不淫於采
色。故德衰然後飾仁義。和失然後調聲。禮淫然後飾
容。故知道德然後知仁義不足行也。知仁義然後知
禮樂不足修也。正儀子曰道德者天下之大無不包也故有道者兼仁義禮樂備而有之
或者謂絕滅四者而曰有道非通論也夫聖王憫世之衰而無道德故貴仁義禮樂制飾其性和樂其情令其節度崇其敬讓使不敢踰越以喪道德也

老子曰清靜之治者和順以寂寞質真而素樸閑靜
而不躁在內而合乎道出外而同乎義其言略而循
理其行悅而順情其心和而不偏其事素而不飾不

謀所始。不議所終。安卽留。激卽行。通體乎天地。同精
乎陰陽。一和平四時。明朗乎日月。與道化者爲人。機
巧詐僞莫載乎心。是以天覆以德。地載以樂。四時不
失序。風雨不爲虐。日月清淨而揚光。五星不失其行。
此清靜之所明也。

繫希子曰。真人之治。感於天地。故日月清明而不惑。四時不作也。

老子曰。治世之職。易守也。其事易爲也。其禮易行也。
其責易賞也。是以人不兼官。官不兼士。士農工商。鄉
別州異。故農與農言藏。士與士言行。工與工言巧。商
與商言數。是以士無遺行。工無苦事。農無廢功。商無

折貨各安其性異形殊類易事而不悖失業而賤得志而貴

南谷子曰古人世守一官官守一事故治世之臣職易守事易爲後世兼官共事之法行官益冗而吏益繁政出多門反致害治

夫先知遠見之人才之盛也而治世不以責於人。正

子曰不責成於人也

博聞強志。以辯辭給。人知之溢也。而明主不求於下。

默希子曰聰敏給數未必爲忠正。不求在下位之也。

敖世賤物。不從流俗。士之伉行也。而治世不以爲化。

民默希子曰放世忽俗不可以爲儀表

故高不可及者不以爲人量行不可逮者不可爲國俗。故人才不可專用而度量道術可世傳也。故國治可與愚守也。而罕旅可以法同也不待古之英雋而人自足者因其所有而竝用之。正饒子曰治在適時非求異見詞尚體要無煩會稽世遠處位無世無之世待古賢天下方治也

末世之法高爲量而罪不及也。重爲任而罰不勝也。危爲其難而誅不敢也。民困於三責。卽飾智而詐上。犯邪而行危。雖峻法嚴刑不能禁其姦。獸窮卽觸。鳥

窮即啄人窮即詐此之謂也

默希子曰用其法而求其過以誅其罪者是為

法教人非治人也懷憂懼即怖智而詐矯以求能

作由鳥獸窮威則拂然之心而忿不顧其生也故

聖人貴道不貴法也

南谷子曰才盛而有先知之見者治世不以責於人聞博而有辯口之佞者明主不以求於下傲世

老子曰雷霆之聲可以鐘鼓象也風雨之變可以音

律知也大可睹者可得而量也明可見者可得而弊

也聲可聞者可得而調也色可察者可得而別也夫

至大天地不能囿也至微神明不能見也

正儀子曰風雨雷霆

形聲色象可以類知可以建事及乎至大至微者謂道也天地不能容神明不能究也

不遠道字
黃帝長

及至建律曆。別五色。異清濁。味甘苦。卽樸散而爲器
矣。立仁義。修禮樂。卽德遷而爲僞矣。民飾智以驚愚。
設詐以攻上。天下有能持之。而未有能治之者也。夫
智能彌多。而德滋衰。是以至人淳樸而不散。夫至人
之治。虛無寂寞。不見可欲。心與神處。形與性調。靜而
體德。動而理通。循自然之道。緣不得已矣。漠然無爲
而天下和。澹然無欲而民自樸。不忿爭而財足。施者
不得受者。不讓德反歸焉。而莫之惠。不言之辯。不道
之道。若或通焉。謂之天府。取焉而不損。酌焉而不竭。

莫知其所求由出

默希子曰樸散忘本故聖人有作而調飾之使反參其業通乎自然

養於天府取之不減與之不盈

謂之搖光搖光者資糧萬物者也

正儀子曰搖光斗標之望指運於中

制以四方萬物

主之以爲資糧

才人自創

老子曰天愛其精地愛其平人愛其情天之精日月星辰雷霆風雨也地之平水火金木土也人之情思慮聰明喜怒也故閉四關止五道卽與道淪神明藏於無形精氣反於真目明而不以視耳聰而不以聽口當而不以言心條通而不以思慮委而不爲知而

不矜直性命之情而知故不得害精存於目卽其視
明存於耳卽其聽聰爾於口卽其言當集於心卽其
慮通故閉四關卽終身無患四肢九竅莫死莫生是

謂真人

正饒子曰天之四關日月星辰五道五行也
言四時有節五行有度則天地清明民物豐

泰人之四關心口耳目也五道謂五藏也夫精神
存者則四關不妄動五道不受邪聰視聽明言行
無缺故禍害無及於身生死不
係於懷是真入得道所游之地

地之生財大本不過五行聖人節五行卽治不荒

老子曰衡之於左右無私輕重故可以爲平繩之於
內外無私曲直故可以爲正人主之於法無私好憎

謝莊子
舟無走何

取為方
之者

故可以為令德無所立怨無所藏是任道而令人心

者也

默希子曰此三者藉於無私故平為之立正為之存令為之行不殞德於外不墜怨於內任道

而死百姓不知

故為治者知不與焉水戾破舟木擊折軸不怨木石

而罪巧拙者智不載也

默希子曰水無破舟之意木無折軸之心不怨木石而罪

巧拙者非智之所為也明治國者不以智故以智治國者國之賊也

故道有智則亂德有心則險心有眼則眩

正儀子曰息智即不

亂忘心即不險絕視即不眩皆忘之也

夫權衡規矩一定而不易常一而不邪方行而不留

一日形之萬世傳之無為之為也

正儀子曰夫衡非不平繩非不直用

之者偏耳道非不虛德非不明修之者誤耳

一者無為也百王用之萬世傳之為而不易也

老子曰人之言曰國有亡主世無亡道人、有窮而理

無不通故無為者道之宗也得道之宗竝應無窮

正儀

子曰夫國之亡者以無正道故也夫窮而能通者道也為而不恃者德也無為之宗應於無窮者也

故不因道理之數而專已之能其窮不遠也

然希子曰獨賢

於已不修其道立見窮屈

夫人君不出戶以知天下者因物以識物因人以知

東坡其窮未易臻也孰能此雅

文選簡
易
卷九

人故積力之所舉卽無不勝也衆智之所爲卽無不成也千人之衆無絕粮萬人之羣無廢功工無異伎士無兼官各守其職不得相干人得所宜物得所安是以器械不惡職事不慢也夫債少易償也職寡易守也任輕易勸也上操約少之分下效易爲之功是以君臣父而不相厭也默希子曰在於簡易故無勞厭

南谷子曰天不自天有爲天者地不自地有爲地者爲者其誰耶國有亡主世無亡道伊尹五就桀而不用是專已之能而不知囚人之道也故伊尹不爲夏而爲湯矣夏其有不亡湯其有不興乎

老子曰帝者體太一

默希子曰太一者以虛無爲祖清靜爲宗故帝王宜體之

增出君用
六律奇

王者法陰陽。

正儀子曰：運行有度。

霸者則四時。

正儀子曰：不失其宜。

君者用六律。

正儀子曰：與物有節。

體太一者，明於天地之情，通於道德之倫，聰明照於

日月，精神通於萬物，動靜調於陰陽，喜怒和於四時，

覆露皆道，溥洽而無私，蜎飛蠕動莫不依德而生，德

流方外，名聲傳乎後世。

默希子曰：玄古帝王以道治天下也。

法陰陽者，承天地之和，德與天地參，光明與日月並，

照精神與鬼神齊，靈戴圓履方，施表裏繩內，能理身

外得人心發施號令天下從風

默希子曰王帝以德治天下也

則四時者春生夏長秋收冬藏取與有節出入有量

喜怒剛柔不離其理柔而不脆剛而不折寬而不肆

肅而不悖優游委順以養羣類其德令愷而容不肖

無所私愛也

默希子曰三王以仁治天下也

用六律者生之與殺也賞之與罰也與之與奪也非

此無道也伐亂禁暴興賢良廢不肖匡邪以爲正攘

險以爲平矯枉以爲直明於施捨開塞之道乘時因

勢以服役人心者也

默希子曰五霸以義治天下也

帝者不體陰陽卽侵王者不法四時卽削霸者不用
六律卽辱君者失準繩卽廢故小而行大卽窮塞而
不親大而行小卽狹隘而不容

王侯子曰帝王之世
道德有優劣五霸之

時仁義有厚薄

大小不相逾

南容子曰不曰皇而曰帝曰王曰霸曰君何哉尊
皇也帝者失道而後德王者失德而後仁霸者失
仁而後義君者失義而後亂大者立則小者在焉
小者立則大者失矣

老子曰地廣民衆不足以爲強甲堅兵利不可以恃
勝城高池深不足以爲固嚴刑峻法不足以爲威爲
存政者雖小必存焉爲亡政者雖大必亡焉故善守

者無與禦善戰者無與鬪乘時勢因民欲而天下服
故善爲政者積其德善用兵者畜其怒德積而民可
用者怒畜而威可立也故文之所加者深則權之所
服者大德之所施者博則威之所制者廣廣卽我強
而適弱善用兵者先弱敵而後戰故費不半而功十
倍故千乘之國行文德者王萬乘之國好用兵者亡
王兵先勝而後戰敗兵先戰而後求勝此不明於道
也

文子卷十

句餘孫 鑛文融評

武林梁 杰廷玉閱

上仁篇

上德者天下歸之上仁者海內歸之上義者一國歸之上禮者一鄉歸之自上仁已下不

注篇首義類此也

老子曰君子之道靜以修身儉以養生靜卽下不擾下不擾卽民不怨下擾卽政亂民怨卽德薄政亂賢者不爲謀德薄勇者不爲鬪亂主則不然一日有天

才

下之富處一主之勢竭百姓之力以奉耳目之欲志
專於宮室臺榭溝池苑囿猛獸珍怪貧民飢餓虎狼
厭芻豢百姓凍寒宮室衣綺繡故人主膏茲無用之
物而天下不安其性命矣

然希子曰此暗王居一川之位極一主之勢殫天下

之財毒流四海竭萬民之生恣心所娛也
南谷子曰上仁者靜以修身儉以養民君子之所
當爲者也下擾政亂民怨德薄君子不爲矣官作
無益以害有益害無可以益有用哉

老子曰非淡漠無以明德非寧靜無以致遠非寬大
無以并覆非正平無以制斷以天下之目眎以天下
之耳聽以天下之心慮以天下之力爭故號令能下

究而臣情得上聞。百官修達。羣臣輻奏。喜不以賞賜。怒不以罪誅。法令察而不苛。耳目聰而不闇。善否之情。日陳於前。而不逆。故賢者盡其智。不肖者竭其力。近者安其性。遠者懷其德。得用人之道也。正儀子曰。此明君治

國如此。用人如彼。若漢之孝文帝之太宗也。

夫乘輿馬者。不勞而致千里。乘舟楫者。不游而濟江海。使言之而是。雖商夫芻蕘。猶不可棄也。言之而非。雖在人君。卿相猶不可用也。是非之處。不可以貴賤尊卑論也。其計可用。不羞其位。其言可行。不貴其辯。

聞主則不能羣臣盡誠效忠者希不用其身也而親
習邪枉賢者不能見也疎遠卑賤竭力盡忠者不能
聞也有言者窮之以辭有諫者誅之以罪如此而欲
安海內存萬方其離聰明亦以遠矣

正儀子曰非聖不能靜四海非

明無以安萬方

、南谷子曰造物假我則有奪我則無假之爲用大
矣哉夫與馬之代步舟楫之濟涉千里可不勞而
至者假得其力也君假臣以爲治臣假君以行志
失假借之用獨夫而已惟明君而後足以與此

老子曰能尊生雖富貴不以養傷身雖貧賤不以利

累形

黜希子曰雖食享玉而不恣口以害生雖家無儲石不苟求以傷德可謂能尊生矣

今受先祖之遺爵必重失之生之所由來久矣而輕失之豈不惑哉貴以身治天下可以寄天下愛以身治天下所以託天下默希子曰承先人遺業而失之者必由輕失故不責於已無以

託天下也

文子同治國之本老子曰本在於治身未嘗聞身治而國亂者也身亂而國治者未有也故曰修之身其

德乃真

正儀子曰身苟未治而況國哉

道之所以至妙者父不能以教子子亦不能受之於父故道可道非常道也名可名非常名也

默希子曰常道非名

可名非道故言論之所
不及父子莫能相傳也

文子問曰何行而民親其上老子曰使之以時而敬
慎之如臨深淵如履薄冰天地之間善卽吾畜也不
善卽吾讐也昔者夏商之臣反讐桀紂而臣湯武宿
沙之民自攻其君歸神農氏故曰人之所畏不可不
畏也

正儀子曰可畏
非君可畏非善

老子曰治大者不可以小地廣者制不可以狹位高
者事不可以煩民衆者教不可以苛事煩難治法苛
難行求多難贍寸而度之至丈必差銖而稱之至一

必過石稱丈量徑而寡失大較易爲智曲辯難爲善

默希子曰道德

小成言隱浮僞

故無益於治有益於亂者聖人不爲也無益於用者
有益於費者智者不行也故功不厭約事不厭省求
不厭寡功約易成事省易治求寡易贍任於衆人則
易故小辯害義小義破道道小必不通通必簡

正儀
子曰

聖人通明洞見未然不以
小蔽大不以煩易簡也

南谷子曰量有寬狹智有淺深地廣民衆非淺智
狹量所能理況任大治高其可以叢脞猥情爲哉
小辯害義小義害道此小
人之事也君子不爲矣

河以逶迤故能遠山以陵遲故能高道以優游故能
化默希子曰非
卽時所致也

俱不外法

夫通於一伎審於一事察於一能可以曲說不可以
廣應也夫調音者小絃急大絃緩立事者賤者勞貴
者佚道之言曰芒芒昧昧因天之威與天同炁同炁
者帝同義者王同功者霸無一焉者亡默希子曰同
炁者無德而

稱同義者救時之危同功者與
民同利無一於此以至危亡也

故不言而信不施而仁不怒而威是以天心動化者

也正儀子曰五帝自然無爲與
天同心物稟其生感而化也

施而仁言而信怒而威是以精誠爲之者也。

正儀子曰三王

精誠於內動應於外而猶有迹未同於無心也

施而不仁言而不信怒而不威是以外貌爲之者也。

正儀子曰五霸誠不由中

物無應者故雖怒不威

故有道以理之法雖少足以治無道以理之法雖衆

足以亂

默希子曰治有道要亂存法多

南谷子曰小器易盈必不可久大器晚成必得其壽與天同氣者希同義者王同功者霸無一者亡故有道以理之則法簡而易治無道以理之則法煩而易亂

老子曰鯨魚失水則制於螻蟻人君舍其所守而與

臣爭事則制於有司以無爲持位守職者以聽從取
容臣下藏智而不用反以事專其上人君者不任能
而好自爲則智日困而自負責數窮於下則不能申
理行墮於位則不能持制智不足以爲治威不足以
行刑則無以與天下交矣喜怒形於心嗜欲見於外
則守職者離正而阿上有司枉法而從風賞不當功
誅不應罪則上下乖心君臣相怨百官煩亂而智不
能解非舉萌生而明不能照非已之失而反自責則
人主愈勞人臣愈佚是代大匠斲夫然代大匠斲者

希有不傷其手矣

然希子曰人主任賢舉諺不專斷於已則智有所困明有不照則守

職阿上有司正法故無辜受戮有功者不償主愈勞臣愈佚是代大臣斷到傷其手也

與馬逐走筋絕不能及也上車攝轡馬死衡下伯樂

相之王良御之明主乘之無御相之勞而致千里善

乘人之資也人君之道無爲而有就也有立而無好

也有爲卽議有好卽諛議卽可奪諛卽可誘

正儀子曰誘其

私好奪其正術

夫以建而制於人者不能持國故善建者不拔言建

之無形也惟神化者物莫能勝

正儀子曰爲上者能制人而不爲人所制

是善建於不拔用
之無形故曰神化

中欲不出謂之扃。外邪不入謂之閉。中扃外閉何事

不節。外閉中扃何事不成。

正儀子曰中扃外閉無事無害

故不用之不爲之。而有用之。而有爲之。

正儀子曰有用卽爲之未

有爲而不用也

不伐之言不奪之事。循名責實使自有司以不知爲道以禁苛爲主。如此則百官之事各有所考。

南谷子曰夫與馬逐走是君與臣角力也。登車致遠是任臣以成治也。有爲卽議有奸卽諫。唯神化者凡用可節。而謂不行官盡職而事有考矣。

老子曰食者民之本也民者國之基也故人君者上
因天時下盡地理中用人力是以羣生以長萬物蕃
植春伐枯槁夏收百果秋蓄蔬食冬取薪蒸以為民
資生無乏用死無傳尸

正義子曰君能
保和死生盡理

先王之法不掩羣而取𧈧𧈧

上音楔下音消

不涸澤而漁不

焚林而獵豺未祭獸且果

音

不得通於野獺未祭魚

網罟不得入於水鷹隼未擊羅網不得張於阜草木

未落斤斧不得入於山林昆蟲未蟄不得以火田育

孕不殺殼

音

卵不探魚不長人不得取犬豕不期年

小夫過則
手機轉轉
天註其終

不得食。默希子曰皆以
其時不妄害也

是故萬物之發生若蒸炁出

默希子曰謂殺非其時
取非其官則萬物精炁

發而上達於天
將害於人也

先王之所以應時修備富國利民之道也非日見而

足行之也欲利民不忘乎心則民自備矣

正儀子曰
以心揆物

以身觀人何設
若舉足然後方備

老子曰古者明君取下有節自養有度必計歲而收
量民積聚知有餘不足之數然後取奉如此即得承
所受於天地而離於飢寒之患其惜怛於民也國有

飢者食不重味民有寒者冬不被裘與民同苦樂卽
天下無哀民閭王卽不然取民不裁其力求下不量
其積男女不得耕織之業以供上求力勤財盡有旦
無暮君臣相疾且人之爲生也一人臆耒而耕音不
益十畝中田之收不過四石妻子老弱仰之而食或
時有災害之患無以供上求卽人主慙之矣貪王暴
君涸漁其下以適無極之欲則百姓不被天和履地
德矣

老子曰天地之炁莫大於和和者陰陽調日夜分故

萬物春分而生秋分而死生與成必得和之精故積
陰不生積陽不化陰陽交接乃能成和是以聖人之
道寬而栗嚴而溫柔而直猛而仁夫太剛則折太柔
則卷道正在於剛柔之間夫繩之爲度也可卷而懷
也引而申之可直而布也長而不橫短而不窮直而
不剛故聖人體之

王儀子曰聖人之和也柔而能直
良匠之規矩也卷而能舒聖人之

法度

也

夫恩推卽懦懦卽不威嚴推卽猛猛卽不和愛推卽
繼繼卽不令刑推卽禍禍卽無親是以貴和也

南谷子曰氣以和爲主天地和而萬象明陰陽和而百物生君臣和而朝廷治父子和而家道成上下和而人事濟榮衛和而身康寧和之義大矣哉

老子曰國之所以存者得道也所以亡者理塞也故聖人見化以觀其微德有呂衰風爲先萌故得生道者雖小必大有亡徵者雖成必敗國之亡也大不足恃道之行也小不可輕故存在得道不在於小亡在失道不在於大故亂國之主務於地廣而不務於仁義務在高位而不務於道德是舍其所以存造音其所以亡也若上亂三光之明下失萬民之心孰不能

承故審其已者不備諸人也古之爲君者深行之謂
道德淺行之謂仁義薄行之謂禮智此六者國家之
綱維也深行之則厚得福淺行之則薄得福盡行之
天下服古者修道德卽正天下修仁義卽正一國修
禮智卽正一鄉德厚者大德薄者小故道不以雄武
立不以堅強勝不以貪競得立在天下推已勝在天
下自服得在天下與之不在於自取故雌牝卽立柔
弱卽勝仁義卽得不爭卽莫能與之爭故道之在於
天下也譬猶江海也天之道爲者敗之執者失之夫

欲名之大而求之爭之。吾見其不得已。而雖執而得之。不留也。夫名不可求而得也。在天下與之。與之者歸之。天下所歸者德也。故云上德者天下歸之。上仁者海內歸之。上義者一國歸之。上禮者一鄉歸之。無此四者。民不歸也。不歸用兵。卽危道也。故曰兵者不祥之器。不得已而用之。殺傷人。勝而勿美。故曰死地。荆棘生焉。以悲哀泣之。以喪禮居之。是以君子務於道德。不重用兵也。

默希子曰行之有淺深而德之有厚薄道德不可暫忘凶器不宜妄

動也

南谷子曰天道自然有爲則失名者實之賓名之大莫如君君有德則名不待求而天下與之與之者歸之也此二帝三王之所以優而五霸七雄之所以劣不用道德而務用兵者去天道遠矣

文子問曰仁義禮智何以爲薄於道德也老子曰爲仁者必以哀樂論之爲義者必以取與明之四海之內哀樂不能遍竭府庫之財貨不足以贍萬民

正儀子曰

言恩惠不能普遍

故知不如修道而行德因天地之性萬物自正而天下贍仁義因附是以大丈夫居其厚不居其薄

默希子曰

故知道德深厚而仁義淺薄故聖人若其厚不處其薄也

夫禮者實之文也仁者恩之效也故禮因人情而制
不過其實仁不濫恩悲哀抱於情送死稱於仁夫養
生不強人所不能及不絕人所不能已度量不失其
適非譽無由生矣故制樂足以合歡不出於和明於
死生之分通於侈儉之適也

默齋子曰人情失和故
興於仁義節以禮樂各

使明其分
而不相逾

末世卽不然言與行相悖情與貌相反禮飾以煩樂
擾以淫風俗溺於世非譽萃於朝故至人廢而不用
也

正儀子曰末世謂禮淫變節樂煩飾情
至人見其如此故執其樸素易其風俗

與驥逐走卽人不勝驥託於車上卽驥不勝人故善用道者乘人之資以立功以其所能託其所不能也主與之以時民報之以財主遇之以禮民報之以死故有危國無安君有憂主無樂臣德過其位者尊祿過其德者凶德貴無高義取無多不以德貴者竊位也不以義取者盜財也

正義子曰無德而貴者凶非義而取者盜

聖人安貧樂道不以欲傷生不以利累已故不違義而妄取古者無德不尊無能不官無功不賞無罪不誅其進人也以禮其退人也以義小人之世其進人

也若上之天其退人也若內之淵言古者以疾今也

正儀子曰敘今時偷薄好之欲其生惡之欲其死也

相馬失之瘦選士失之貧豚肥克厨骨臂音不官正儀

子曰馬在良雖瘦可以致遠臣在忠雖貧可以成事

君子察實無信讒言君過而不諫非忠臣也諫而不聽君不明也民沉溺而不憂非賢君也故守節死難人臣之職也衣寒食飢慈父之恩也以大事小謂之變人以小犯大謂之逆天前雖登天後必入淵故鄉里以齒老窮不遺朝廷以爵尊卑有差

然希子曰故長幼守其節

則禍患
無由生

南谷子曰選士之法如德行言諍政事文學有一於是宜可仕也四無一焉則是沐猴而冠矣古者無德不尊無能不官無功不賞無罪不誅故官不失人人不失用矣

夫崇貴者謂其近君也尊老者謂其近親也敬長者

謂其近兄也

正儀子曰因君以崇貴因親而敬老因兄而敬長也

生而貴者驕生而富者奢故富貴不以明道自鑑而

能無爲非者寡矣

默希子曰貴不期驕而驕自至富不期奢而奢自至處乎貴不用道

德使不爲

非者鮮矣

學而不厭所以治身也教而不倦所以治民也賢師

良友舍而爲非者寡矣

熟希子曰觀學曰道承教無類入芝蘭之圃必染芬芳之

氣也

知賢之謂智愛賢之謂仁尊仁之謂義敬賢之謂禮

樂古之善爲天下者無爲而無不爲也故爲天下有

容能得其容無爲而有功不得其容動作必凶爲天

下有容者豫今其若冬涉大川猶今其若畏四隣儼

今其若容渙今其若水之液敦今其若樸混今其若

濁廣今其若谷此爲天下容

正儀子曰凡容也道之容貌也治天下者兢兢

業業不敢懈也

似此更難
然可味文
亦有度

豫今其若冬涉大川者不敢行也。猶今其若畏四鄰者恐自傷也。儼今其若容者謙恭敬也。渙今其若水之液者不敢積藏也。敦今其若樸者不敢廉成也。混今其若濁者不敢明清也。廣今其若谷者不敢盛盈也。進不敢行者退不敢先也。恐自傷也。守柔弱不敢矜也。謙恭敬者自卑下尊敬人也。不敢積藏者自損弊不敢堅也。不敢廉成者自虧缺不敢全也。不敢清明者處濁辱而不敢新鮮也。不敢盛盈者見不足而不敢自賢也。夫道退故能先。守柔弱故能矜。自卑下

故能高人。自損弊故實堅。自虧缺故盛全。處濁辱故
新鮮。見不足故能賢。道無爲而無不爲也。此數者道
之反也。處後則人先之。自損則人與之。故
天下戴之而不重。百姓樂推而不厭也。
南谷子曰。孔德之容。惟道是從。言之善爲天下者。
無爲而無不爲。天下之大。民物之衆。無不容矣。此
無爲之功。所以大。而天下之民。所以戴之而不重
也。

文子卷十終

文子卷十一

句餘孫 鑛文融評

武林梁 杰廷玉閱

上義篇

治身非義無以裁事理之宜治國非義無以
明天人之分在淳熙之世固所先而叔季之
世猶當尚也
故貴上義耳

老子曰凡學者能明於天人之分通於治亂之本澄
心清意以存之見其終始反於虛無可謂達矣。默希
子曰

唯夫體清明反虛靜故能
明天人之分究終始之義

治之本仁義也其末法度也人之所生者本也其所
不生者末也本末一體也其兩愛之性也先本後末

謂之君子先末後本謂之小人

正儀子曰人之生也精神爲本形體爲末

故太上養神治其情性末世養形恣其嗜欲治性則神清縱欲則身害夫神清體和本末相濟乃全身保神不虧其以凡修攝有方稟受不一故有君子小人之異

法之生也以輔義重法棄義是貴其冠履而忘其首
足也仁義者廣崇也不益其厚而張其廣者毀不廣
其基而增其高者覆故不大其棟不能任重任重莫
若棟任國莫若德人主之有民猶城中之有基本之

有根根深即本固基厚即上安

默希子曰根基猶道德也夫根深基廣而

見毀後者未之有也道高德盛而萬姓不崇戴者未之聞也

故事不本於道德者不可以為經言不合於先王者

不可以為道

正儀子曰夫事不師古不遵道不可為國法

便說掇取一行一功之術非天下通道也

正儀子曰恢怪譎說

之術非天下之大道

老子曰治人之道其猶造父之御馴馬也齊輯之手

轡銜正度之平胸膺內得於中心外合乎馬志故能取道致遠氣力有餘進退還曲莫不如意誠得其術

得詩之義
結如經意
扣而為文

也。今夫權勢者、人主之車輿也。大臣者、人主之駟馬也。身不可離車輿之安、手不可失駟馬之心。故駟馬不調、造父不能以取道。君臣不和、聖人不能以爲治。執道以御之、中才可盡。明分以示之、姦邪可止。物至而觀其變、事來而應其化。近者不亂、卽遠者治矣。不用適然之教、而得自然之道。萬舉而不失矣。然希子曰有造

父之善御、不憂車馬之奔逸者、聖人之至治、不憂黔首之危亡。

南谷子曰：天地一馬、萬物一指。聖人格物之至、而以車輿譬乎權勢、駟馬譬乎大臣。人主因而乘之、不煩智力、無違不服。是乃治之方也。安得執御者而與之言乎？

有欲即有
有爭是私
無虛下

老子曰凡爲道者塞邪隧防未然不貴其自是也貴
其不得爲非也故曰勿使可欲無日不求勿使可奪
無日不爭如此卽人欲釋而公道行矣有餘者止於
度不足者逮於用故天下可一人也夫釋職事而聽
非譽棄功勞而用朋黨卽音伎天長守職不進民俗
亂於國功爭於朝故有道以御人無道則制於人矣
正儀子曰舜爲匹夫而天下共戴者其道存也故
能制於人紂爲天子而四海離心者其道亡也則
爲人所制
南谷子曰良醫不治已病治未病爲道者塞邪隧
治未然其亦良醫之謂歟故不貴自是貴不爲非
則無可欲之求可奪之爭矣

老子曰治國有常而利民爲本。政教有道而令行爲古。苟利於民不必法古。苟周於事不必循俗。故聖人法與時變。禮與俗化。衣服器械各便其用法。度制令各因其宜。故變古未可非。而循俗未足多也。正儀于道所貴適時而已不在數變爲務也

誦先王之書不若聞其言。聞其言不若得其所以言。得其所以言者言不能言也。故道可道非常道也。名可名非常名也。故聖人所由曰道。猶金石也。一調不可更事。猶琴瑟也。曲終改調。然希子曰曲節既殊故宜變易

法制禮樂者治之具也。非所以爲治也。故曲士不可與論至道者。訊寤於俗而束於教也。

老子曰天下幾有常法哉。當於世事得於人理順於天地。詳於鬼神。卽可以正治矣。昔者三皇無制令而民從。五帝有制令而民刑。罰夏后氏不負言。殷人誓周人盟。正儀子曰三皇陰陽神農黃帝五帝少昊顓頊高辛唐虞三王夏商周文王夫上古不令而民從末世峻法而民詐故無爲爲化易有爲爲治難盟誓不蔡刑戮隨之也

末世之衰也。忍垢而輕辱。貪得而寡羞。故法度制令者。論民俗而節緩急。器械者。因時變而制宜。適夫制

於法者不可與達舉拘禮之人不可使應變必有獨見之明獨聞之聰然後能擅道而行

默希子曰拘法守文者動用乖

滯獨聞獨見者不得離道也

夫知法之所由生者卽應時而變不知治道之源者雖循終亂今爲學者循先襲業握篇籍守文法欲以爲治非此不治猶持方枘而內圓鑿也欲得宜適亦難矣夫存危治亂非智不能道先稱古雖愚有餘故不用之法聖人不行也不驗之言明主不聽也

南谷子曰聖人立法本爲禁奸惡平冤抑保人民也三皇無制令而從王帝而下所制法令賞罰代

各不同者時變故也
明王其可不究乎

文子問曰法安所生老子曰法生於義義生於衆適
合乎人心此治之要也法非從天下也非從地出也
發乎人間反已自正誠達其本不亂於末知其要不
惑於疑有諸已不非於人無諸已不責於所立立於
下者不廢於上禁於民者不行於身故人主之制法
也先以自爲檢式故禁勝於身卽令行於民夫法者
天下之準繩也人主之度量也默希子曰自檢於
已則民禁於彼也
縣法者法不法也默希子曰不法
以法之法也

法定之後中繩者賞缺繩者誅雖尊貴者不輕其賞
卑賤者不重其刑犯法者雖賢必誅中度者雖不肖
無罪是故公道而行私欲塞也古之置有司也所以
禁民使不得恣也其立君也所以制有司使不得專
行也法度道術所以禁君使無得橫斷也人莫得恣
卽道勝而理得矣故反樸無爲無爲者非謂其不動
也言其從已出也

枉法矣

默希子曰立君置有司上不得自恣下不得專斷故上守正術下無

南谷子曰法者人主示度量爲天下準繩也法定之後不二所施夫犯法者雖尊貴必誅中度者雖卑賤無罪故私欲塞而公道行矣

在民情上

討論息期

自無失著

老子曰善賞者費少而勸多善罰者刑省而姦禁善與者用約而爲德善取者入多而無怨故聖人因民之所喜以勸善因民之所憎以禁姦賞一人而天下趨之罰一人而天下畏之是以至賞不費至刑不濫聖人守約而治廣此之謂也

老子曰臣道者論是處當爲事先唱守職明分以立成功故君臣異道卽治同道卽亂各得其宜處有其當卽上下有以相使也故枝不得大於榦末不得強於本言輕重大小有以相制也夫得威勢者所持甚

小所在甚大所守甚細所制甚廣十圍之木持千金之屋得所勢也五寸之關能制開闔所居要也下必行之令順之者利逆之者凶天下莫不聽從者順也發號令行禁止者以衆爲勢也義者非能盡利於天下之民也利一人而天下從之暴者非能盡害於海內也害一人而天下叛之故舉措廢置不可審也

南谷子曰世之全材難得自古皆然夫工師之求棟梁能不拘小節故大材可得人主之論臣佐知屈寸而伸尺則大賢可得矣

老子曰屈寸而伸尺小枉而大直聖人爲之今人君

之論臣也不計其大功。總其略行而求其小善。卽失
賢之道也。故人有厚德。無問其小節。人有大畧。無疵
其小故。夫人情莫不有所短。誠其大略是也。雖有小
過。不以爲累也。誠其大略非也。閭里之行。未足多也。
故小謹者無成功。訾行者不容衆。體大者節疎。度巨
者譽遠。論臣之道也。

老子曰。自古及今。未有能全其行者也。故君子不責
備於一人。方而不割。廉而不剌。直而不肆。博達而不
訾。道德文武不責備於人。以力自修。以道而不責於

羅子九
筆而不
大符小
公

人易償也。自修以道，則無病矣。夫夏后氏之璜，不能

無瑕。明月之珠，不能無穢。然天下寶之者，不以小惡

妨大美。今志人之所短，忘人之所長，而欲求賢於天

下，卽難矣。夫衆人之見，位之卑，身之賤，事之滯辱，而

不知其大略。

正儀子曰：凡人之情，惡其卑辱。君子用人，存其大略。

故論人之道，貴卽觀其所舉。

正儀子曰：舉賢才也。

富卽觀其所施。

正儀子曰：濟物也。

窮卽觀其所受。

默希子曰：非義不爲。

賤卽觀其所爲。

默希子曰：非道不取。

視其所患難以知其所勇。正儀子曰因其患難方見仁勇

動以喜樂以觀其守。正儀子曰不逾濫也

委以貨財以觀其仁。正儀子曰不妄取也

振以恐懼以觀其節。正儀子曰殺身成仁

如此則人情可得矣。默希子曰一有所存人之幹也七者備具世之英也能以此觀

之賢愚可知忠信可見矣

南谷子曰自恕者不改過責人者不全交夫君子不責備於人者知人非堯舜不能每事盡善也人有大材諱可以小節而棄之乎

老子曰屈者所以求申也枉者所以求直也屈寸申尺小枉大直君子爲之百川竝流不注海者不爲谷

趨行殊方不歸善者不爲君子善言貴乎可行
貴乎仁義夫君子之過猶日月之蝕不害於明故智
者不妄爲勇者不妄殺擇是而爲之計禮而行之故
事成而功足恃也身死而名足稱也
殺者然後功遂名
立稱於後世也

雖有智能必以仁義爲本而後立智能竝行聖人一
以仁義爲準繩中繩者謂之君子不中繩者謂之小
人君子雖死亡其名不滅小人雖得勢其罪不除左
手據天下之圖而右手刎其喉雖愚者不爲身貴於

天下也。死君親之難者，視死如歸。義重於身也。故天下大利也。比之身，卽小。身之所重也。比之仁義，卽輕。此以仁義爲準繩者也。

老子曰：道德之倫，猶日月也。夷狄蠻貊不能易其指趣。舍司卽非，譽在俗，意行均，卽窮達在時。事周於世，卽功成務合於時，卽名立。是故立功名之人，簡於世。臣謹於時，時之至也，卽間不容息。

正儀子曰：夫濟傾弱立功名者，觀其

機危寧容瞬息

古之用兵者，非利土地而貪寶賂也。將以存亡平亂。

中絕聖人
從中起而
絕其強者

爲民除害也貪叨多欲之人殘賊天下萬民騷動莫
寧其所有聖人勃然而起討強暴平亂世爲天下除
害以濁爲清以危爲寧故不得不中絕

南荅子曰人之道德天之日月也人之五性天之
五星也雖夷狄蠻貊無以易之夫越舍在巳非譽
在人川不用關於時行不行保乎命是以君子得
特行道間不容息

赤帝爲火災故黃帝擒之共工爲水害故顓頊誅之
教人以道導之以德而不聽卽臨之以威武臨之不
從則制之以兵革殺無罪之民養不義之主害莫大
也聚天下之財贍一人之欲禍莫深焉肆一人之欲

而長海內之患此天倫所不取也

正儀子曰言天亡之桀紂是也

所爲立君者以禁暴亂也今乘萬民之力反爲殘賊是以虎傅翼何謂不除夫畜魚者必去其鰻獺養禽獸者必除其豺狼又况牧民乎是故兵革之所爲起也

南谷子曰國家五運其來久矣赤帝火運君失其德火乃爲災其工水運君失其德水乃爲災以知人君失德隨運爲災此兵革之所爲起也凡有土之君其可失德致災而不知儆悟乎

老子曰爲國之道上無苛令官無煩治士無僞行工無淫巧其事任而不擾其器完而不飾亂世卽不然

爲行者相揭以高。爲禮者相矜以僞。車輿極於雕琢。器用遂於刻鏤。求貨者爭難得以爲寶。詆文者逐煩撓以爲急。事爲詭辯。久稽而不決。無益於治。有益於亂。工爲奇器。歷歲而後成。不周於用。故神農之法曰。丈夫丁壯不耕。天下有受其飢者。婦人當年不織。天下有受其寒者。故身親耕。妻親織。以爲天下先。其導民也不貴難得之貨。不重無用之物。是故耕者不強。無以養生。織者不力。無以衣形。有餘不足。各歸其身。衣食饒裕。姦邪不生。安樂無事。天下和平。智者無所

施其策勇者無所錯其威

默希子曰智以救危勇以止暴危暴不作何用之

老子曰霸王之道以謀慮之以策圖之挾義而動非以圖存也將以存亡也故聞敵國之君有暴虐其民者卽舉兵而臨其境責以不義刺以過行兵至其郊令軍帥曰無伐樹木無掘墳墓無敗五穀無焚積聚無捕民虜無聚六畜乃發號施令曰其國之君逆天地侮鬼神決獄不平殺戮無罪天之所誅民之所讐也兵之來也以廢不義而授有德也有敢逆天道亂民之賊者身死族滅以家聽者祿以家以里聽者賞

以里以鄉聽者封以鄉以縣聽者侯其縣尅其國不
及其民廢其君易其政尊其秀士顯其賢良振其孤
寡恤其貧窮出其囹圄賞其有功百姓開戶而內之
漬米而儲之唯恐其不來也義兵至於境不戰而止

正義子曰義兵所臨明告天地幽通鬼神德被萬
物以辭誓衆以罪問敵亦非容易而動幽器百姓
悅戴雖恐不至殷湯文
武以義而平暴亂者也

不義之兵至於伏屍流血相交以前故爲地戰者不
能成其功爲身求者不能立其王舉事以爲人者衆
助之以自爲者衆去之衆之所動雖弱必強衆之所

去雖大必亡。然希子曰不義之兵以強凌弱恃大侵小戮無辜害有道國弱尚不可得而況

欲成王

業乎

此以剛柔勝者

此以政教勝者

老子曰上義者治國家理境內行仁義布德施惠立正法塞邪道羣臣親附百姓和輯上下一心羣臣同力諸侯服其威四方懷其德脩正廟堂之上折衝于里之外發號行令而天下響應此其上也地廣民衆主賢將良國富兵強約束信號令明兩敵相當未交兵接刃而敵人奔亡此其次也知土地之宜習險隘之利明背政之變察行陣之事自刃合流矢接輿死

此以紀律
勝者

扶傷流血千里暴骸滿野義之下也。正儀子曰修德而勝者上守法

而勝者中用兵而勝者下也

兵之勝敗皆在於政。政勝其民下附其上。卽兵強民勝其政下叛其上。卽兵弱。義足以懷天下之民。事業足以當天下之急。選舉足以得賢士之心。謀慮足以決輕重之權。此上義之道也。

南谷子曰兵法先舉者爲主應敵者爲客用兵有言吾不敢爲主而爲客謂兵不可輕舉也夫不得已而用之則義舉爲上敵奔次之戰斯下矣

老子曰國之所以強者必死也。所以必死者義也。義

之所以行者威也是故令之以文齊之以武是謂必
取威義並行是謂必強白刃交接矢石若雨而士爭
先者賞信而罰明也上視下如子下事上如父上視
下如弟下事上如兄上視下如子必王四海下事上
如父必政天下上視下如弟即必難爲之死下事上
如兄即必難爲之亡故父子兄弟之寇不可與之鬪
默希子曰有君如此則天下如一家萬民共一心
則雖敵不懼死不顧恩義所感則視死如歸豈有
見父有危急而子吝其生而不救
君有難而臣懼於死而不忠者也

是故必義君內修其政以積其德外塞於邪以明其

勢察其勞佚以知飢飽戰期有日視死若歸恩之加也

正義子曰信義立雖死不
顧恩或治無遠不至矣

文子卷十二

句餘孫 鑛文融評

武林梁 杰廷玉閱

上禮篇

老子曰上古真人呼吸陰陽而羣生莫不仰其德以和順當此之時領理隱密自成純樸未散而萬物大

優然希子曰萬物無相侵害故優游也

及世之衰也至伏羲氏昧昧懋懋皆欲離其童蒙之心而覺悟乎天地之間其德煩而不一

正儀子曰謂天下漸失其

此則國
治非上

本德煩而不一此玄
古之時以爲衰世也

及至神農黃帝嚴領天下紀綱四時和調陰陽於是
萬民莫不竦身而思戴聽而視故治而不和下至夏
殷之世嗜欲達於物聰明誘於外性命失其真施及
周室澆醇散樸離道以爲僞險德以爲形智巧萌生
狙學以擬聖華誣以脇衆琢飾詩書以買名譽各欲
以行其智僞以容於世而失大宗之本故世有喪性
命衰漸所由來久矣是故至人之學也欲以反性於
無游心於虛世俗之學摧德撓性內愁五藏暴行越

知以譏名聲之世，此至人所不爲也。擢德自見也，提性絕生也。若夫至人定乎死生之意，通乎榮辱之理，舉世譽之而不益勸，舉世非之而不加沮，得至道之要也。

南谷子曰：上禮者，吉。凶軍賓嘉五禮之謂歟？上古其人則玄古之君也。當時羣生純樸，萬物大優，自伏羲氏達於神農黃帝，施及三王，治各不同，禮亦隨變。至五霸戰國而大宗之本失矣。

老子曰：古者被髮而無卷領，以王天下，其德生而不殺，與而不奪。天下非其服，同懷其德。當此之時，陰陽和平，萬物蕃息，飛鳥之巢可俯而探也，走獸可係而

從也。及其衰也。鳥獸蟲蛇皆爲民害。故鑄鐵鍛刃以禦其難。故民迫其難則求其便。因其患則操其備。各以其智去其所害。就其所利。常故不可循。器械不可因。故先王之法度有變易者也。故曰名可名非常名也。默希子曰世之衰物不淳一各生異情遞相殘害智詐相欺制器械而爲備去其害就其利故先王變法非有常也故法無常名也

五帝異道而德覆天下三王殊事而名後世因時而變者也。譬猶師曠之調五音也。所推移上下無常。尺寸以度而靡不中者。故通於樂之情者能作音。有本

至於中而知規矩鈞繩之所用者能治人故先王之制示宜卽廢之末世之事善卽著之故聖人之制禮樂者而不制於禮樂制物者不制於物制法者不制於法

正儀子曰制禮非禮乖於道也制樂非樂失其和也物制於物尚可也法制非法違其政也

故曰道可道非常道也

老子曰昔者之聖王仰取象於天俯取度於地中取法於人調陰陽之氣和四時之節察陵陸水澤肥瘠高下之宜以立事生財除飢寒之患辟疾疢之災中受人事以制禮樂行仁義之道以治人倫列金木水

火土之性以立父子之親而成家聽五音清濁六律
相生之數以立君臣之義而成國察四時孟仲季之
序以立長幼之節而成官列地而州之分國而治之
立太學以教之此治之綱紀也得道則舉失道則廢
夫物未常有張而不弛盛而不敗者也唯聖人可盛
而不敗聖人初作樂也以歸神杜淫反其天心至其
衰也流而不反淫而好色不顧正法流及後世至於
亡國其作書也以領理百事愚者以不忘智者以記
事及其衰也爲姦僞以解其罪而殺不辜其作圖也

以成宗廟之具。簡士卒以戒不虞。及其衰也。馳騁弋獵。以奪民時。以罷民力。其上賢也。以平教化。正獄訟。賢者在位。能者在職。澤施於下。萬民懷德。至其衰也。朋黨比周。各推其所與。廢公趨私。外內相舉。姦人在位。賢者隱處。

南谷子曰。聖人建事之初。意察則歸神杜淫。書以領理百事。固以成宗廟之具。尚賢以平教化。正獄訟之情。及其衰也。樂則淫色。書則姦偽。圖則弋獵。賢則朋黨。姦人在位。賢者隱處。宜矣。

天地之道。極則反。益則損。故聖人治弊而改制。事終而更爲。其美在和。其失在權。聖人之道曰。非修禮義。

法法爲聖
人所後

降也周官

庶耻不立民無庶耻不可以治不知禮義法不能正
非崇善廢醜不勸禮義無法不可以爲治不知禮義
不可以行法法能殺不孝者不能使人孝能刑盜者
不能使人庶聖王在上明好惡以示人經非舉以尊
之親而進之賤不肖而退之刑錯而不用禮義修而
任賢德也故天下之高以爲三公一州之高以爲九
卿一國之高以爲二十七大夫一鄉之高以爲八十
一元士。正儀子曰立官分職任賢去邪爲王者股肱耳目以和萬姓以靜四方也
智過萬人者謂之英千人者謂之雋百人者謂之傑。

十人者謂之豪。明於天地之道，通於人情之理，大足以容衆，惠足以懷遠，智足以知權，人英也。德足以教化，行足以隱義，信足以得衆，明足以照下，人儁也。行可以爲儀表，智足以決嫌疑，信可以守約，廉可以使分財，作事可法，出言可道，人傑也。守職不廢，處義不比，見難不苟免，見利不苟得，人豪也。英儁豪傑各以大小之材處其位，由本流末，以重制輕，上唱下和，四海之內一心同歸，背貪鄙，嚮仁義，其於化民若風之靡草。今使不肖臨賢，雖嚴刑不能禁其姦，小不能制

大弱不能使強天地之性也故聖人舉賢以立功不
肖之主舉其所與同觀其所舉治亂分矣察其黨與
賢不肖可論也

然希子曰聖人用人各以其才而官之不相逾越則天下治也

老子曰爲禮者雕琢人性矯拂其情日雖欲之禁以
度心雖樂之節以禮趨翔周旋屈節卑拜肉凝而不
食酒激而不飲外束其形內愁

音

其德鉗陰陽之和

而迫性命之情故終身爲哀人何則不本其所以欲
而禁其所欲不原其所以樂而防其所樂是猶圈獸
而不塞其垣禁其野心決江河之流而壅之以手故

曰開其兌濟其事終身不救夫禮者遇情閉欲以

自防雖情心咽噎咽音厭形性飢渴以不得已自臨

故莫能終其天年默希子曰為禮約束不放肆迫於情性皆強為之故不終天年也

禮者非能使人不欲也而能止之樂者非能使人勿

樂也而能防之夫使天下畏刑而不敢盜竊豈若使

無有盜心哉故知其無所用雖貪者皆辭之不知其

所用燕者不能讓之夫人之所以亡社稷身死人手

為天下笑者未嘗非欲也知冬日之扇夏日之裘無

用於已萬物變為塵垢矣正儀子曰道備無為之事害歸有欲之人

故窮無統
此銘施經
無髮人殺
能於此打

故揚湯止沸沸乃益甚知其本者去火而已

默希子曰親道

莫若無欲止沸在於去薪

南谷子曰盜竊之難治也久矣竊鉤者誅竊國者爲諸侯是盜在上而不在下若堯之荝茨不剪樸桶不斲雖賞之不竊也傾宮瑤臺瑤室玉門紫糾之過身死人乎悲夫

老子曰循性而行謂之道得其天性謂之德性失然後貴仁義仁義立而道德廢純樸散而禮樂飾是非形而有姓眩珠玉貴而天下爭夫禮者所以別尊卑貴賤也義者所以和君臣父子兄弟夫婦人道之際也末世之禮恭敬而交爲義者布施而得君臣以相

非骨肉以生怨也。故水積則生相食之蠱，土積則生自肉之狔。禮樂飾則生詐僞。

商參子曰：事物之川未有久而不弊者也。雖道之可循，德之可得，苟非其時，亦不能行。君臣尚義猶不免於相非，父子主恩或不免於生怨。是豈人心之固有哉？

末世之爲治，不積於養生之具，澆天下之醇，散天下之樸，滑亂萬民以清爲濁，性命飛揚，皆亂以營貞信，慢爛人失其性，法與義相背，行與利相反，貧富之相傾，人君之與僕虜，不足以論。夫有餘則讓不足，則爭讓則禮義生，爭則暴亂起，故多欲則事不省，求贍則

爭不止故世治則小人守正而利不能誘也世亂則君子爲姦而法不能禁也

老子曰衰世之主鑛山石孕金玉槌礪蜃消銅鐵麒麟不遊構木爲臺焚林而畋竭澤而漁積壤而丘處掘地而井飲濟川而爲池築城而爲固拘獸以爲畜則陰陽繆戾四時失序雷霆毀折雹霜爲害萬物焦夭處於太半草木夏枯默希子曰衰世之主剖石索玉槌蚌求珠肆耳目之娛遂致乖戾萬物失所雷霆以怒之雹雹以害之非萬邦之過一人之罪也

三川絕而不流分山川谿谷使有壤界

默希子曰周衰而三川竭

晉徵而
湯鹿崩

計人衆寡使有分數設機械險阻以爲備制服色等
異貴賤差賢不肖行賞罰則兵革起而忿爭生虐殺
不幸誅罰無罪於是興矣

然希子曰天法不得不變
動人者不得不災危也

南谷子曰盈而不知止者天地鬼神之所共譴也
夫陰陽終矣日時失序雷霆駭者電霜爲害萬物
焦天川絕不流是皆虧盈變盈害盈之所致不能
省愆則必有人道惡盈之禍起是可畏也

老子曰世之將喪性命猶陰氣之所起也主闇昧而
不明道廢而不行德滅而不揚舉事戾於天發號逆
四時春秋縮其和天地除其德人君處位而不安大

夫隱遁而不言。羣臣推上意而壞常。疎骨肉而自容。邪人誦而陰謀。遽載驕主而像其亂人。以成其事。是故君臣乖而不親。骨肉疎而不附。田無立苗。路無緩步。金積折廡。壁藁無羸。殼龜無腹。蒼筤日施。天下不令而爲一家。諸侯制法。各異習俗。悖拔其根。而棄其木。鑿五刑爲刻削。爭於錐刀之末。斬刈百姓。盡其大半。衆兵爲難。攻城濫殺。覆高危安。大衝車高重壘。除戰隊。使陣死。路犯嚴敵。百往一反。名聲苟盛。兼國有。地伏尸數十萬。老弱飢寒而死者不可勝計。自此之

後天下未常得安其性命樂其習俗也

正義子曰宋世賢主恃其

威廣其土地盡生民之命求鋒刀之

末使尸流血無時暫寧豈爲有道哉

南谷子曰陽生陰殺二氣更遷國運興衰固若有數然則六運交終一陰肇始澤水示徵九年爲災自非有堯舜禹三聖人者出雖類絕矣是故興衰有數治亂由人

聖賢勃然而起持以道德輔以仁義近者進其智遠者懷其德天下混而爲一子孫相代輔佐黜讒佞之端息未辯之說除刻削之法去煩苛之事屏流言之迹塞朋黨之門消智能循大常順肢體黜聰明大通混冥萬物各復歸其根夫聖人非能生時時至而不

失也是以不得中絕

正儀子曰不得中絕言必有其主也

老子曰鄧水之深十仞而不受塵垢金石在中形見

於外非不深且清也魚鱉蛟龍莫之歸也

默希子曰言水至清

魚不游人至察衆不歸也

石上不生五穀禿山不遊麋鹿無所蔭蔽也故爲政

以苛爲察以切爲明以刻下爲忠以計多爲功如此

者皆猶廣革者也大敗大裂之道也

正儀子曰爲政以苛必敗之由

爲革以廣必裂之道

其政悶悶其民淳淳其政察察其民缺缺

正儀子曰上太察下

不安也

結亦新說

老子曰以政治國以奇用兵先為不可勝之政而後求勝於敵以未治而攻人之亂是猶以火應火以水應水也同莫足以相治故以異為奇奇靜為躁奇治為亂奇飽為飢奇逸為勞奇正之相應若水火金木之相代也何往而不勝故德均則眾者勝寡力敵則智者制愚智同則有數者禽無數

默希子曰此謂正奇相攻賢愚相敵

夫德均人卒眾者勝力敵者以制愚智均而有所計會無計計數者皆相勝之術迭相禽制而

非道也此明權也

南谷子曰文子之書前以皇起後以霸終其皇帝
王霸之書也以正治國以青居兵此古今之通論
霸者則不然用兵以青治國亦以青則是政役爲
青善復爲妖矣於戲治國失政而以青爲務者所
何足以多算云哉

文子卷十二終